

# Deef en dir

Musik & Text Björn Heuser / Verlag: Dabbelju Music

---

Schleeß die Aure, Kind,  
und dräum vun Sache,  
die't eijentlich jar nit jitt.  
Un du wees sinn,  
met jedem Draum weeden se e Stückche Wirklichkeit.

Schleeß die Aure, Kind,  
un mohl dir Bilder die keiner süht.  
En Färv us Phantasie  
weed dich lenke, wenn du dich lenke lööß.

**Un bliev deef en dir,  
et jitt en Zick wo dat nit mieh jeiht.  
Un jläuv et mir,  
et kütt der Daach wo du mich versteihs.**

Kumm weed janz still,  
och ich will schlofe, nur für paar Stund.  
D'r Daach wor lang,  
un ich weiß du kunns hück  
manches nit verstonn.

En fremde Stadt,  
en Sproch die du noch nie jehoot.  
Ich hoffe nur  
du küss he drövve niemols ze koot.

**Un bliev deef en dir ...**